

U skladu sa članom 9., tačka 3., Zakona o akreditiranju Bosne i Hercegovine («Službeni glasnik BiH», br. 19/01, u daljem tekstu: Zakon), **Institut za akreditiranje Bosne i Hercegovine, H. Čemerlića 2, Sarajevo** – (u daljem tekstu: **BATA**), kojeg zastupa Direktor

i

**(Naziv i adresa podnosioca zahtjeva za akreditaciju)** (u daljem tekstu: **Tijelo**), koje zastupa (funkcija osobe)

potpisuju

**UGOVOR br.**  
**o akreditiranju Tijela i njegovom učešću u**  
**Sistemu akreditiranja Bosne i Hercegovine**

**Predmet Ugovora**

Član 1.

U ovom Ugovoru termin akreditiranje podrazumijeva bilo inicijalno ili ponovno ocjenjivanje Tijela kojim se iskazuje formalan dokaz o njegovoj kompetentnosti za obavljanje određenih zadataka ocjenjivanja usklađenosti,

Član 2.

Ovim Ugovorom se reguliraju:

- a) rješavanje zahtjeva Tijela za akreditiranje,
- b) prava i obaveze Tijela i BATA-e u pogledu učešća Tijela u Sistemu akreditiranja Bosne i Hercegovine.

Član 3.

Na osnovu zahtjeva Tijela, koji čini sastavni dio ovog Ugovora, BATA se obavezuje da će provesti proceduru inicijalnog/ponovnog ocjenjivanja u skladu sa Zakonom i dokumentom PD 05-01: Sistem akreditiranja Bosne i Hercegovine (u daljem tekstu: PD 05-01).

BATA će odobriti/produžiti akreditaciju ako Tijelo ispuni zahtjeve za kompetentnost prema dokumentu PD 05-01 i odgovarajućem nacionalnom, evropskom i međunarodnom standardu(ima). Skoup odobrene akreditacije bit će dat u njenom dodatku.

Posjedovanje akreditacije ni na koji način ne mijenja ugovorne odnose između Tijela i njegovih kupaca. Budući da akreditacija samo ukazuje na savjesnost, poštenje i kompetentnost Tijela, ona ne podrazumijeva ili pretpostavlja da BATA prihvata odgovornost za aktivnosti Tijela u vezi sa akreditacijom.

## Prava i obaveze Tijela

### Član 4.

Dodjelom akreditacije Tijelo stiče pravo učešća u Sistemu akreditiranja Bosne i Hercegovine, uključujući pravo pozivanja na status akreditiranog tijela i korišćenja bosanskohercegovačkog akreditacijskog znaka. Pri tome, Tijelo se mora pridržavati pravila utvrđenih u dokumentima PD 05-01, odnosno PD 07-03: Pozivanje na akreditaciju i korišćenje znaka Sistema akreditiranja Bosne i Hercegovine.

### Član 5.

Tijelo ima pravo zatražiti od BATA-e proširivanje ili sužavanje skoupa postojeće akreditacije. BATA se obavezuje da će zahtjeve Tijela za proširivanje ili sužavanje skoupa akreditacije rješavati u skladu sa dokumentom PD 05-01.

### Član 6.

Tijelo ima pravo žalbi i prigovora u vezi sa aktivnostima BATA-e tokom pojedinih procedura akreditiranja. Rješavanje prigovora i žalbi vršit će se u skladu sa Zakonom i dokumentom PD 05-01.

### Član 7.

Ovlaštenim predstavnicima BATA-e Tijelo mora omogućiti pristup dokumentima i prostorima relevantnim za provođenje odgovarajućih procedura akreditiranja definiranim u dokumentu PD 05-01.

### Član 8.

Tijelo je obavezno da bez kašnjenja obavijesti BATA-u o svim planiranim promjenama koje su u vezi sa njegovim statusom ili radom, a koje se tiču:

- a) pravnog ili organizacionog statusa,
- b) organizacije i osoblja,
- c) skoupa akreditacije,
- d) prostorija, opreme i radnih uvjeta za okolinu.

Tijelo je, također, obavezno obavijestiti BATA-u i o drugim pitanjima koja mogu uticati na njegovu kompetentnost iz skoupa za koji je akreditirano, odnosno na ispunjavanje zahtjeva standarda prema kojem je akreditirano, ili na bilo koji drugi relevantni kriterij koji je specificirala BATA.

### Član 9.

Tijelo je obavezno odmah prekinuti sa aktivnostima za koje posjeduje akreditaciju ukoliko postoji razlog za koji se smatra da kriteriji za akreditaciju više nisu ispunjeni. Akreditirane

aktivnosti se mogu ponovo započeti samo nakon što se ostvare prvobitni uvjeti i dobije odobrenje od BATA-e.

Član 10.

U slučaju neusklađenog posla iz skupa akreditiranih aktivnosti, Tijelo će o tome odmah obavijestiti BATA-u uz dostavljanje informacija o poduzetim/planiranim korekcijama i/ili korektivnim akcijama.

Također, u slučaju prigovora treće strane BATA-i na akreditirane aktivnosti Tijela, Tijelo je obavezno pomoći BATA-i u istraživanju i rješavanju takvog prigovora.

Član 11.

Tijelo je odgovorno prema trećim stranama za bilo koju štetu uzrokovanu tokom rada Tijela u okviru općih uvjeta odgovornosti.

Član 12.

Tijelo je upoznato i prihvatilo da pravovremeno izvršava plaćanje troškova odobravanje akreditacije i za učešće u Sistemu akreditiranja Bosne i Hercegovine navedenih u dokumentu PD 07-05: Tarifa za usluge u Sistemu akreditiranja Bosne i Hercegovine.

Član 13.

Tijelo prihvata da nadoknadi BATA-i bilo koje gubitke nastale zbog neispunjavanja uvjeta ovog Ugovora ili potraživanja BATA-e zbog zloupotrebe akreditacije ili ovlašćenja za korištenje dodijeljenog znaka Sistema akreditiranja BiH od strane Tijela.

Član 14.

Tijelo ima pravo suspendirati i otkazati akreditaciju. Zahtjev Tijelo podnosi u pisanoj formi, uz uvažavanje jednomjesečnog otkaznog roka.

Član 15.

Najmanje tri mjeseca prije isticanja roka važenja odobrene akreditacije, Tijelo se mora izjasniti o svojoj namjeri za njeno produžavanje. Produžavanje odobrene akreditacije se obavlja u skladu sa članom 3. ovog Ugovora.

### **Prava i obaveze BATA-e**

Član 16.

Potpisivanjem ovog Ugovora BATA smatra da je Tijelo spremno za otpočinjanje procedure akreditiranja u skladu sa članom 3. ovog Ugovora. BATA preuzima obavezu da ocjenjivanje završi u roku od ..... dana od potpisivanja ovog Ugovora. BATA ne snosi odgovornost za

pomjeranje ovog roka koje je nastalo zbog nespremnosti Tijela za realiziranje pojedinih koraka ocjenjivanja ili zbog potrebe da Tijelo otkloni utvrđene neusklađenosti.

#### Član 17.

Potpisivanjem ovog Ugovora BATA smatra da je Tijelo upoznato i prihvatilo da BATA, ukoliko mu odobri/produži akreditaciju, obavlja redovne nadzore u cilju provjere trajnog ispunjavanja propisanih kriterija, a prema proceduri opisanoj u dokumentu PD 05-01.

#### Član 18.

BATA ima pravo odobrenu akreditaciju suziti, suspendirati ili opozvati u skladu sa dokumentom PD 05-01.

#### Član 19.

BATA može zahtijevati od Tijela da zaključi policu za odgovornosti zbog štete koju svojim radom može nanijeti trećoj strani i tražiti dokaze da je takvo osiguranje zaključeno.

#### Član 20.

BATA je obavezna da blagovremeno u pisanoj formi obavijesti Tijelo o svim izmjenama u kriterijima za akreditaciju, kao i ostalim izmjenama uvjeta za učešće u Sistemu akreditiranja Bosne i Hercegovine te da Tijelu dostavlja ažurirane kontrolirane kopije dokumenata PD 05-01, PD 07-03 i PD 07-05.

#### Član 21.

BATA je obavezna u pisanoj formi obavijestiti Tijelo o svom stavu po pitanju planiranih promjena navedenih u članu 8.

#### Član 22.

BATA, njeno osoblje kao i svi vanjski saradnici koji učestvuju u procesu akreditiranja su odgovorni da čuvaju povjerljivim i ne otkrivaju trećim stranama bilo koje informacije dobijene od Tijela bez njegove saglasnosti osim:

- a) informacija koje je BATA posjedovala prije njihovog otkrivanja od Tijela;
- b) informacija koje na osnovu zakona moraju biti dostupne javnosti ili je BATA informacije dobila iz izvora nezavisno od Tijela;
- c) informacija koje zahtijevaju sudske, finansijske ili upravne vlasti.

#### Član 23.

BATA je odgovorna za povrede svojih obaveza koje proizilaze iz ovog Ugovora. Ova odgovornost se ograničava na namjerno uzrokovanu štetu ili krajnju nepažnju.

## Trajanje ugovora

### Član 24.

Ovaj Ugovor važi do roka važenja akreditacije tj. četiri godine. Rok važenja akreditacije je naznačen na samoj akreditaciji.

### Član 25.

Ovaj Ugovor se smatra prekinutim:

- ako akreditacija nije odobrena prema članu 3. stavu 2. ovog Ugovora,
- ako je akreditacija otkazana u skladu sa članom 14. ovog Ugovora,
- ako je akreditacija opozvana u skladu sa članom 18. ovog Ugovora.

Datumom prestanka važnosti akreditacije prestaje i važnost ovog Ugovora.

### Član 26.

U slučaju produžavanja akreditacije prema članu 15. ovog Ugovora, potpisuje se novi Ugovor ili se ovaj Ugovor produžava za naredni period od četiri godine, uz obostrano potpisanu saglasnost koja čini sastavni dio ovog Ugovora.

### Član 27.

Prestanak važenja ovog Ugovora ne smije biti štetan po prava i obaveze koje su nastale prije datuma otkazivanja ili opoziva. Međutim, ni jedna od dvije strane nemaju bilo koja prava ili odgovornosti u vezi sa ovim Ugovorom nakon njegovog otkazivanja ili opoziva osim:

- uvjeta koji se odnose na povjerljivost (član 22.), odgovornost (član 23.) i odštetu (član 13.),
- plaćanja taksi i troškova koji su nastali, ali nisu plaćeni,

koji ostaju na snazi.

## Prenošenje

### Član 28.

Bez obostrane saglasnosti, u pisanoj formi, ovaj Ugovor se ne smije prenijeti u cijelosti ili dijelom na drugu stranu.

## Završne odredbe

### Član 29.

Ugovor je sastavljen u tri (3) primjerka koji se smatraju izvornicima, od kojih BATA zadržava dva (2) primjerka.

Član 30.

Obje strane potpisnice su saglasne da sve eventualne sporove koji nastanu na osnovu ovog ugovora ili u vezi sa njim, posebno oni koji se tiču njegovog trajanja ili njegovog prestanka važenja, rješavaju sporazumno, a u slučaju neslaganja zatražit će da konačnu odluku donese nadležni sud u Sarajevu.

Sarajevo, dana .....

Za BATA

.....

Za Tijelo

.....